


www.diarioaruba.com
The way business moves!
DIARIO
Online
 E Matutino di Aruba

Segun Fundacion ProBiMar:

Mester ley di Medio Ambiente y ordenanza di teritorio!

ORANJESTAD (AAN) -- For di Stichting Proteccion di Bida Marino (ProBiMar) DIARIO a ricibi e siguiente comunicado, den cual e fundacion ta acentua cu "proyectonan recien ta prueba atrobe di maneho ad hoc, y cu mester di un ley di medio ambiente y ordenanza di teritorio (ROP). Den un tempo cortico Aruba a confronta tres proyecto cu ta prueba di e necesidad pa bini cu ley di medio ambiente y ordenanza di teritorio. E proyectonan di Parkeo di Wilhelmina Park, e proyecto dilanti Ritz, Carlos'N Charlie, E-Zone, Cafe Bahia, y e boothuis/marina banda di Surfside, a worde analiza profesionalmente den articulon di FANAPA y

Stimaruba caba, den cual a describi tur e problemanan cu e proyectonan aki ta causa pa medio ambiente. E enfasis di e articulo aki ta bay riba e maneho cu ta worde hiba: tur tres proyecto tabata sorpresa pa comunidad; tur tres a trece conflicto, y cerca tur tres esaki por a worde evita. Obvio ta awor, cu Aruba no tin suficiente lugar pa sigui desaroya su mes di manera "free for all", unda decisionnan ad hoc, sin debido estudio y sin transparencia den proceso di con ta yega na decisionnan cu naturalmente, ta resulta den conflicto. Tur e proyectonan ta resalta e falta di: planificacion, participacion di comunidad, y

estudio di impacto riba medio ambiente.

FALTA DI PLANIFICACION

PA TERMINO LARGO:

No tin un plan di desaroyo/zonificacion? No tin plan di maneho (beleidsplan)?

Gobierno, atraves di su departamentonan mester tin y mantene un vision con Aruba lo bira den e proximo 20 añanan, y e ley di ROP ta determina zonificacion. Falta participacion di comunidad (usergroups, interstgroups, etc) desde comienzo. For di ora cu concebi un idea mester scucha comunidad, vooral esnan cu

tin interes den e asunto, pa contribui criticamente cu e proyecto. Chens ta grandi cu asina ta evita conflictonan grandi despues.

FALTA ESTUDIO DI IMPACTO RIBA MEDIO AMBIENTE:

Cada proyecto, con grandi of chiquito cu e ta, mester tin un estudio independiente cu ta detaya tur impacto cu e proyecto lo tin riba naturaleza, aspectonan social, economico, salud, etc. Esaki ta nada mas cu un herment pa yuda tuma decision. Ademas, esaki ta parti di e ley di medio ambiente cu ta wardando pa

worde pasa den Parlamento. En principio, ningun hende por ta contra ningun proyecto tanten cu esakinan worde haci di un manera planifica, transparente, documenta, cu beneficianan general riba esun particular y sin causa destruccion di medio ambiente. Tanten cu esey no ta e caso mester desapropa y expresa contra proyectonan asina ay corda gobierno riba su responsabilidad pa bienestar general, sperando asina cu den futuro comunidad, naturaleza y e desaroyonan lo ta protege di e engañonan di un maneho ad hoc.